

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) i Odluke o sistemu koordinacije procesa evropskih integracija u Bosni i Hercegovini („Službeni glasnik BiH“, broj: 8/16), na prijedlog Službe za razvoj i međunarodne projekte, Vlada Zeničko-dobojskog kantona, na 47. sjednici, održanoj dana 18.03.2016. godine, d o n o s i

ZAKLJUČAK

I.

Daje se saglasnost na Listu predloženih kandidata za imenovanje predstavnika Zeničko-dobojskog kantona za članstvo i rad u Komisiji za evropske integracije, potkomisijama za evropske integracije i posebnoj grupi za reformu javne uprave, koja je sastavni dio ovoga Zaključka.

II.

Nakon zauzimanja stava Direkcije za evropske integracije o predloženim kandidatima, Vlada će donijeti posebno Rješenje o imenovanju predstavnika Zeničko-dobojskog kantona za članstvo i rad u Komisiji za evropske integracije, potkomisijama za evropske integracije i posebnoj grupi za reformu javne uprave.

III.

Zaključak stupa na snagu danom donošenja.

Broj: 02-_____/16.

Datum, 18.03.2016. godine

Zenica

PREMIJER

Miralem Galijašević

DOSTAVLJENO:

1x Služba za razvoj i međunarodne projekte;

1x Svim ministarstvima i drugim tijelima kantonalne uprave,

1x Skupština Zeničko-dobojskog kantona,

1x a/a.

Lista predloženih kandidata za imenovanje predstavnika Zeničko-dobojskog kantona za članstvo i rad u Komisiji za evropske integracije, potkomisijama za evropske integracije i posebnoj grupi za reformu javne uprave

KOMISIJA ZA EVROPSKE INTEGRACIJE:

Stalni član Komisije ispred Zeničko-dobojskog kantona:

Đenana Čolaković, sekretar Stručne službe za razvoj i međunarodne projekte Zeničko-dobojskog kantona

POTKOMISIJE ZA EVROPSKE INTEGRACIJE I POSEBNA GRUPA ZA REFORMU JAVNE UPRAVE:

a. Potkomisija za trgovinu, industriju, carine i oporezivanje

Zamjenik predsjedavajućeg potkomisije ispred Zeničko-dobojskog kantona:

Ljiljana Anđelić, sekretar Ministarstva za privredu Zeničko-dobojskog kantona

b. Potkomisija za poljoprivredu i ribarstvo

Zamjenik predsjedavajućeg potkomisije ispred Zeničko-dobojskog kantona:

Samra Članjak, sekretar Ministarstva za poljoprivredu, šumarstvo i vodoprivredu Zeničko-dobojskog kantona

c. Potkomisija za unutrašnje tržište i konkurenciju

Zamjenik predsjedavajućeg potkomisije ispred Zeničko-dobojskog kantona:

Berjana Ačkar, sekretar Sekretarijata za zakonodavstvo Zeničko-dobojskog kantona

d. Potkomisija za ekonomska i finansijska pitanja i statistiku

Zamjenik predsjedavajućeg potkomisije ispred Zeničko-dobojskog kantona:

Adis Čehić, sekretar Ministarstva finansija Zeničko-dobojskog kantona

e. Potkomisija za pravosuđe i unutrašnje poslove

Zamjenik predsjedavajućeg potkomisije ispred Zeničko-dobojskog kantona:

Aida Mujić, sekretar Ministarstva unutrašnjih poslova Zeničko-dobojskog kantona

f. Potkomisija za inovacije, informacijsko društvo i socijalnu politiku

Zamjenik predsjedavajućeg potkomisije ispred Zeničko-dobojskog kantona:

Maid Pračić, sekretar Ministarstva za obrazovanje, nauku, kulturu i sport Zeničko-dobojskog kantona

g. Potkomisija za promet, energiju okoliš i regionalni razvoj

Zamjenik predsjedavajućeg potkomisije ispred Zeničko-dobojskog kantona:

Nađa Mišić, sekretar Ministarstva za prostorno uređenje, promet i komunikacije i zaštitu okoline Zeničko-dobojskog kantona

h. Posebna grupa za reformu javne uprave

Zamjenik predsjedavajućeg potkomisije ispred Zeničko-dobojskog kantona:

Ružica Jukić-Ezgeta, sekretar Ministarstva za pravosuđe i upravu Zeničko-dobojskog kantona

O b r a z l o ž e n j e

I. PRAVNI OSNOV

Pravni osnov za donošenje Zaključka kojim se daje saglasnost na Listu predloženih kandidata za imenovanje predstavnika Zeničko-dobojskog kantona za članstvo i rad u Komisiji za evropske integracije, potkomisijama za evropske integracije i posebnoj grupi za reformu javne uprave je član 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) i Odluka o sistemu koordinacije procesa evropskih integracija u Bosni i Hercegovini („Službeni glasnik BiH“, 8/16).

II. RAZLOZI ZA DONOŠENJE

Direkcija za evropske integracije Vijeća ministara Bosne i Hercegovine se obratila dopisom broj: 02A-06-1-247/16 od 23.02.2016.godine koji je upućen predstavnicima institucija svih nivoa vlasti u Bosni i Hercegovini, a koji se odnosi na obavezu formiranja tijela koja će djelovati unutar institucionalnog i operativnog sistema koordinacije na provođenju aktivnosti u procesu integrisanja BiH u Evropsku uniju. Navedena obaveza proizilazi iz Odluke o sistemu koordinacije procesa evropskih integracija u Bosni i Hercegovini („Službeni glasnik BiH“, broj: 8/16), kao i Odluke 1/2015 Odbora za stabilizaciju i pridruživanje o osnivanju pododbora i posebnih grupa.

Dopisom Direkcije za evropske integracije, institucije u BiH su pozvane da u roku od 10 dana, imenuju svoje predstavnike za stalne članove Komisije za evropske integracije kao i predstavnike za sastav potkomisija za evropske integracije i posebne grupe za reformu javne uprave.

Prema članu 5. Odluke formira se Komisija za evropske integracije kao tijelo koje je, između ostalog, zaduženo za praćenje ispunjavanja ugovornih obaveza iz SSP-a, kao i drugih obaveza iz procesa evropskih integracija. Prema članu 6. stav (1), tačka c), iste Odluke, stalni član Komisije treba da bude po jedan predstavnik vladâ kantona, koji je ispred Vlade kantona zadužen za poslove koordinacije procesa evropskih integracija.

Prema članu 8. Odluke formiraju se potkomisije za evropske integracije i posebna grupa za reformu javne uprave sa ciljem osiguranja koherentnog i usaglašenog rada radnih grupa za evropske integracije grupisanih po tematskim oblastima u skladu s podjelom izvršenom prema Sporazumu o stabilizaciji i pridruživanju, te učestvuju u radu zajedničkih tijela koja su formirana u skladu sa Sporazumom o stabilizaciji i pridruživanju i usvojenim odlukama zajedničkih tijela Bosne i Hercegovine i Evropske unije, odnosno Vijeća za stabilizaciju i pridruživanje i Odbora za stabilizaciju i pridruživanje. Prema članu 9. stav (1), tačka b) sastav potkomisije čine: zamjenici predsjedavajućeg potkomisije, u rangju sekretara ili pomoćnika ministra iz resorno nadležnog ministarstva u vladi entiteta i kantona, u skladu s njihovim ustavnim nadležnostima. Odlukom je predviđeno formiranje slijedećih potkomisija i grupe:

a. Potkomisija za trgovinu, industriju, carine i oporezivanje

Pitanja iz nadležnosti ove potkomisije su: slobodno kretanje robe, industrijski proizvodi, trgovinska pitanja, standardizacija, mjeriteljstvo, ovlašćivanje, certifikacija, ocjena usklađenosti i nadzor nad tržištem, saradnja u oblasti industrije, MSP, turizam, carina, oporezivanje, pravila o porijeklu, administrativna pomoć u carinskim pitanjima.

b. Potkomisija za poljoprivredu i ribarstvo

Pitanja iz nadležnosti ove potkomisije su: poljoprivredni proizvodi u širem smislu, poljoprivredni proizvodi u užem smislu, proizvodi ribarstva, prerađeni poljoprivredni proizvodi, vino, zaštita geografskih oznaka za poljoprivredne i riblje proizvode i hranu, izuzev vina i jakih alkoholnih pića,

poljoprivreda i poljoprivredno-industrijski sektor, veterinarstvo i fitosanitarna pitanja, saradnja u ribarstvu, sigurnost hrane.

c. Potkomisija za unutrašnje tržište i konkurenciju

Pitanja iz nadležnosti ove potkomisije su: pravo na poslovno nastanjivanje, pružanje usluga, ostala pitanja povezana s Glavom V. Sporazuma, usklađivanje zakonodavstva i provođenje zakona, tržišna konkurencija, intelektualno, industrijsko i trgovačko vlasništvo, javna nabavka, bankarstvo, osiguranje i ostale finansijske usluge, zaštita potrošača, javno zdravlje.

d. Potkomisija za ekonomska i finansijska pitanja i statistiku

Pitanja iz nadležnosti ove potkomisije su: kretanja kapitala i plaćanja, ekonomska politika, saradnja u oblasti statistike, podsticanje i zaštita ulaganja, finansijska saradnja.

e. Potkomisija za pravosuđe i unutrašnje poslove

Pitanja iz nadležnosti ove potkomisije su: pravosuđe i osnovna prava, uključujući borbu protiv diskriminacije, policijska i pravosudna saradnja, vladavina prava, zaštita podataka, vize, granična kontrola, azil i migracija, nezakonito useljavanje i readmisija, pranje novca, droge, borba protiv terorizma, kriminal i druge nezakonite aktivnosti.

f. Potkomisija za inovacije, informacijsko društvo i socijalnu politiku

Pitanja iz nadležnosti ove potkomisije su: kretanje radnika, uslovi rada i jednake mogućnosti, saradnja u oblasti socijalne politike, obrazovanje i osposobljavanje, saradnja u oblasti kulture, informacije i komunikacije, saradnja u oblasti audiovizuelnih usluga, mreže i usluge elektronskih komunikacija, informaciono društvo, istraživanje i tehnološki razvoj.

g. Potkomisija za promet, energiju okoliš i regionalni razvoj

Pitanja iz nadležnosti ove potkomisije su: saobraćaj, energija, nuklearna sigurnost, okoliš, klimatske promjene, civilna zaštita, regionalni i lokalni razvoj.

h. Posebna grupa za reformu javne uprave

Pitanja iz nadležnosti ove grupe se odnose na reformu javne uprave.

Prije upućivanja Vladi na razmatranje, provedene su horizontalne konsultacije sa svim ministarstvima i Sekretarijatom za zakonodavstvo, te su sugestije, prijedlozi i primjedbe uzeti u obzir.

III. FINANSIJSKA SREDSTVA

Za realizaciju ovog Zaključka nisu potrebna finansijska sredstva.